

Tadhg triath ós na tréinfhearaihb
[TCD 1298 (H.2.7, fragment of Book of Uí Mhaine), vol. 1, col. 221]
[Casbhairdne, Ógláchas]

Tadg triath os na trenfearaihb
in min mor os Maineachaib
cos cong**ba**la Connachtach
ceand catha na cuigeadach
sond srainti na sluaghDanar
usgartadh na n-allmarach
airsidh chreachtha Conmaicni
leannan Fotla fleadhaigi
ceili Banba barrglaisi
tochmarc Erend osgardha
breobas corcra barandbailc
leoman laemsgar luathechtach
dregan dethla diancraideach
bhuaball mear na Maineach-sa
in t-airsidh ard onconda
in cing crodha creachoirdric
in saignain trom teindidi
in caer crodhearg crithneimhneach
in cith siangarbh sneachtaidhi
in tond baiti borbadhbul
in t-aigean nach indsaighteac[h]
in dair direach doidhrei[mi?]
iruath ard na henlaithi [222]
libedhan na lintiudh-sa
in mil mor os miniasgach
in mal os na minrigaibh
in sruth [son?]da sreabaigbheil
in muir mhaighreach murdomhain
ascaill crandard [crich?]aimreidh
a aigneadh re asgairdib
is teidni tolgdha tinnes(nes)nach
a cuaird gus na cathrachaibh
Cruachu Cuind os Connachtaibh
Teamair Breagh os begbruidnib
Almha lond os Laigneachaib
Ani Cliach os cathMuimnibh
in Cruachu os na cnocbeannaib
e-siun os na hurrighaib
in fhincraebh ard fhinemnach
in crand cubra cnuastoirtheach
in seabac suairc sathadhmear
aegairi na n-airear-sa
fear traeta gach trenmiledh
maith tarla mar ta. Tadg triath osna
Molfat Eoghan onchonda

O Madadhain mileta
ag argain a (a) easgarat
's ac dil cliar gu coimhchoitceand
bid i triath mar ta. Tadhg triath...